

ВЫЛТЫРЕЗ ТАЗАТІСЬ СПОРТ

СССР-лэн оборонаезлэн Наркомез Советской Союзлэн Героез но Маршалез Тимошенко эш Красной Армилен XVIII ар тырмонэзлы сизыса Всесоюзной комсомольской лыжной кросс ортчытон пумысь вераз:

„Куасэн ветлыны быгатытэк толалтэ дыр'я боевой действности азиялыко нуны уг луы“.

Яратоно полководецлэсь кыл'ёссэ миллионэн лыд'яськись егит'ёс мур валазы. Куасэн ветлон егит калык понна самой яратоно спорт луиз. Соелркыт возматйз али ортчем Красной Армилен XVIII ар тырмонэзлы сизыса ортчытэм комсомольской лыжной кросс. Лыжной кроссын миллионэн лыд'яськись егит калык участвовать кариз.

Асьме районьсь комсомол'ёс, несоюзной егит'ёс но школьник'ёс пöлысь 511 мурт Всесоюзной комсомольской кроссын участвовать каризы. Кросс ортчэн дыр'я мынызы оборонной значек'ёсы норма сётчан'ёс. 511 мурт лыжной кроссын участвовать карем'ёс пöлысь 420 мурт ГТО но БГТО значек'ёсы норма сөтйзы.

Верано луэ, что Красной Армилен 23 ар тырмонэзлы сизем комсомольской кросс асьме районамы туж урод ортчиз. Крослы дасяскокэн кулээз'я ноки но өз кивалты, районной физкультурник Барышанков тазэсь паланын вал. ВКП(б) райкомлэн военной отделезлэн заведующеез Норин эш кроссез дасян но орчытон понна Зюинской сельсоветэ юнматэмьн вал, нош отчы со өз ветлы. Кросс орчытон Зюинской сельсоветын провалить каремьн вал. Норин эш комсомольской лыжной кроссез орчытонэн, ВЛКСМ-лэн райкомыыз чош быдэс районаз кивалтыны кулэ вал.

Асьмелэн районамы вань ни умоесь куасэн ветлысьёс. Тани РОНО-лэн культурно-просвети-

тельной учреждениос'я инспекторез В. Данилов эш, Ярской средней школаын дышеткись В. Данилов но мукет'ёсыз вискарытэк куасэн ветло. Владимир Данилов „Виль улон“ колхозысь Яр поселоккозь нуналлы быдэ дышетскыны куасэн ветлэ. Куасэн ветлысьёслэн лыдзы ичи на. Куасэн ветлон спортэз школаос, комсомольской организациос паськыт вöлмытоно луо.

Куасэн ветлон спорт районамы туж ляб вöлмытэмьн на. Колхоз'ёслэн правлениоссы такем важной ужлы саклык уг вис'яло. Нош кулэ вал котькуд колхозлы кылдытыны лыжаой станциос. Лыжной станциосын мед луозы 10—50 пара куас'ёс.

Вань-а асьме колхоз'ёсам лыжной станциос? Öвöл на. Та сярись колхоз'ёслэн председател'ёссы өз на малпалэ. Кудог колхоз'ёслэн председател'ёссы верало, куас'ёс öвöл шуьса. Магазин'ёсын куас'ёс туэ зэмзэ но öй вал. Татын туж бад'ым виноватысь сельпоослэн но райпотребсоюзлэн. Нош ськыт-а бен куасэз аслыд лэсьтыны? Ськыт ик öвöл. Куасэз лэсьтыны быгатоз котькуд столяр, плотник. „Диктатура пролетариата“ но мукет'ёсаз колхоз'ёсын умоесь столяр'ёс но плотник'ёс вань. Соос быгатозы устоесь куас'ёс лэсьтыны.

Куасэн ветлонлэн сезонэз туэ ичи кылиз ни. Но соин буйгатсконо öвöл. Куас'ёс кулэ луозы вуоно ар'ёсын но. Соин ик та уж борды колхоз'ёслэн правлениоссы умой-умой кутсыны кулэ.

Колхоз'ёсы куасэн ветлон спортэз пычатон—комсомоллэн данлыко ужез. Туэ тулыс вуытозы, дыр ичи ке но ни колхоз'ёсысь нылпос куасэн ветлыны дышетсконо уло. Колхоз'ёсысь вань егит'ёс понна куасэн ветлон самой яратоно спорт мед луоз.



Али гинэ ортчем ВКП(б)-лэн XVIII Всесоюзной конференциезлэн президиумаз пучо: А. А. Андреев, А. А. Жданов, И. В. Сталин, Н. С. Хрущев но В. М. Молотов эш'ёс.

Коммунист'ёслэн но беспартийнойёслэн блоксылэн кандидат'ёссы понна голостэс сөтэлэ

2-тй мартэ асьме районьсытмы 3-тй номеро Н.Чуринской, 20-тй номеро Алышевской, 15-тй номеро Дусыковской но 12-тй номеро Горьковской избирательной округ'ёсын бырийськон'ёс ортчозы.

Та верам избирательной округ'ёсысь избирательёс трудящейёслэн депутат'ёссылэн интыысь совет'ёсазы депутатэ бырийон понна выдвинуть каризы умой адымиосты.

3-тй номеро Н.Чуринской избирательной округ'я выдвинуть каремьн Павел Данилович Завалин эш. Со избирательёслэсь осконзэс уж вылын быдэстыны быгатоз. Котьма ужын со ужа туж умой. Белофин'ёсын вюр'яськон

бойын боевой заданиосты азиялыко быдэс'ям понна СССР-лэн Верховной Советэзлэн Президиумез Завалинэз „За отвагу“ медален наградить кариз. Озы ик мукет'ёсыз но выдвинуть карем кандидат'ёс ваньзы умоесь.

Туннэ — 2-тй мартэ та выль избирательной округ'ёсысь избирательёс лыктозы бырийськон корка, советской избирательной Сталинской Конституциен сөтэм правосез ужез быдэстыны, асьсэлэн выдвинуть карем кандидат'ёсы понна голостэс сөтйны.

Кылем бырийськон'ёсын трудящейёс бырийськыны организованно лыктйзы, голостэс сөтйзы коммунист'ёслэн но беспартийнойёс-

лэн блоксылэн кандидат'ёссы понна, шулдыр но шудо улон понна.

Озы чк туннэ но та выль верам избирательной округ'ёсысь избирательёс одйг мурт сямен лыктозы но голостэс сөтозы асьсэлэн выдвинуть карем кандидат'ёссы понна.

Осконо луэ, что коммунист'ёслэн но беспартийнойёслэн блоксы трудящейёслэн интыысь Советазы нимаз-нимаз избирательной округ'ёс'я депутат'ёсты бырийон'ёсын выль вормон'ёс басытыны быгатозы.

С. Данилов,

3-тй номеро Н.Чуринской избирательной округлэн доверенноез.

КЫЗЫ МОН КУАСЭН ВЕТЛЫНЫ ДЫШЕТСКИ

Куас со колхозниклы но тужгес ик егит калыклы юн кулэ луись маке. Куасэн луэ пöйшураны ветлыны, шонерак луд вылтй выжыны, районной центремечак мыныны но мукет.

Куасэн ветлысь уг кышка трос лымы пуктэмлэсь но букослэсь. Со интыгй, кытй дөдьыен, валэн потыны уг луы, кытчы пыдын мынйсь мурт кускозяз лымы выйё, куасэн ветлысь лымы вылтй кошкоз туж жог но капчи.

Куаслэн пайдаез тужгес ик бад'ым колхозной егит'ёс понна, Красной Армилен луоно боец'ёсыз понна. Красноармеец толалтэ куасэн быгатэ ветлыны телефонной связь тупатыны, тушмонлэн мышказ кыдэке разведкае пырыны но мукет уж быдэс'яны.

Мон куасэн ветлонэз ичи дырысен ик яратыны кутски. Нырысьсэ ветлыны кутски сюрестэм азьтй, выль лымы вылтй. Лымы-вылтй усылытэк но оскыса мыныське.

Азьло пумысь куасэн ветлыку кузь öй вамыш'ялля. Мынон дыр'я куас'ёсты одйг-огзы бордын туж зол возылы.

Нош куас вылын умойгес сылыны кутскем берам, вамышме йылэтынгес кутски, куас'ёсты кызы ке ик гылзтыса нуны кутскилй. Собере жогенгес ик гурезь йылысен ныскылляны кутски, школае дышетскыны куасэн ветлылй. Тйни озы нуналмысь дышетскыса, али мон куасэн туж чырмыт ветлысько ини. Шутэтскон нуналэ 15—20 километр кемев тревировочной ветлон лэстьлысько.

Январь толэзе район'ёс куспын куас вылын ветлон'я эстафета ортчиз. Асьме районьсь но одйг команда куас вылын Глаз каре ветлыз. Мон отын коммандир луыса ветлй. Ветлыкум вокыче шуг ськыт'ёс но өз локетэ.

Кемалась ик öвöл Красной Армилен 23-тй годовщинаезлы сизыса, район'

ёс куспын нош ик куас вылын ветлон'я соревнование ортчиз. Асьме районьсь куасэн ветлысьёс соревнованын кыктэтй инты басытйзы. Соос пöлын мон но вал. Миям командамы нырысь инты басытыны быгатысал, если куас кертэт'ёс но бодыос районмылэн физкультурной отделаз умоесь ке луысалзы.

Давайте, эш'ёс комсомолец'ёс но союзын сылысьтэм егит'ёс, куас вылын ветлонэз паськыт вöлмытоме. Со тйлесытд кужымдэс, тазалыктэс умой кароз.

Колхоз'ёсын куасэч ветлон спортэз паськытатон—комсомольской организациослэн быдэсак асьсэлэн ужзы. Колхозной гуртын улйсьёс данакез вакчи дыр куспын мед быгатозы куасэн ветлыны. Куасэн ветлон асьме колхозной егит'ёслэн толалтэ самой яратоно спортсы мед луоз.

В. Данилов,

РОНО-лэн политпросвет укпум'я инспекторез.

Грузинской ССР-лэн Верховной Советэзлэн юбилейной сессиез

ТБИЛИСИ, 24 февралэ. (ТАСС). Туннэ опералэн но балетлэн Палиашвилилэн нимыныз нимаз Государственной Ленин орденот театразы Грузинской ССР-лэн Верховной Советэзлэн IV юбилейной сессиез усыйськись, кудйз сйземын Грузины Советской власть тупатэмлы 20 ар тырмемлы. Сессие люкаськемын тбилисской предприятиосысь стахановец'ёс, советской наукалэн но искустволэн азьмынйсь адымиосыз, братской республиказысь делегациос, куд'ёсыз лыктэмьн грузинской калыкез эчкылань.

Сессиез усыйсь Верховной Советлэн председателез Кочламазашвили эш. Жутскем мылкыдэн бырийське почетной президиуме ВКП(б) ЦК-лэн Политбюроез Сталин эшен воглаве, озы ик Тимошенко эш.

Бад'ым докладэн выступить кариз Грузинской ССР-лэн Совнаркомезлэн председателез Бакрадзе эш.

Кужмо кичапкон'ёс улсын эчкылан'ёс ыстэмьн Сталин, Молотов, Калинин, Берия эш'ёслы.

Комсомольской улон

Эшшо но умой ужалозы на

„Виль улон“ колхозысь комсомолец'ес колхозлэн правленийыз юн герзасыкыса ужало. Толон-вазынал'есын комсомолец'ес колхозлэсь ю кизёнлы кызы дасыськемзэ эскеризы. Та ужысь комсомолец'ес трос тырмытэсты шаразы.

Кылсарысь, колхозлэн 1-тй номеро бригадаяз 2 плуг но 1 усы ремонтировать карымтэ на. Нош 4-тй номеро бригадын кизён машинаос али гинэ лымы улысь поттэмын, ремонтировать карымтэ. А колхозной транспорт — уробоос одйг бригадын но дасытымтэ и уг но дасытьско. Озы ик мешок туж ичи, ванез но кесаькылэмын, пасеь.

Вань та шараям тырмытэсты колхозлэн правлений бригадир'эсты отыса паськыт обсудить кариз но соосты палэнтон ласынь ужрад'ес кутыз.

Трос комсомолец'ес комсомольской поручениосты азинлыко быдэсьяло. Нимысьтыз ик вис'ясько Данилова Евдокия Ивановна, Салтыков Василий Кузьмич, Данилов Николай Александрович но мукет'эсыз комсомолец'ес.

Малпано луэ, что колхозез узыр карон понна комсомолец'ес азыпалан эшшо но умойгес ужалозы на.

И. Федотов,
первичной комсомольской организацилэн секретарез.

Одйгетй маёзь ваньзэ дышетыса лэзём

Куйбышевлэн нимыныз нимама колхозысь комсомолец'ес ортчем собраниын ас вылазы обязательствэ басытьзы колхозысь неграмотнойэсты но малограмотнойэсты дышетон ужек кивалтыны. Котыкуд комсомолец кыл сётыз одйг мурт неграмотнойез яке малограмотнойез дышеты-

са, одйгетй мае грамотное карыса поттыны.

Соин чюш ик комсомолец'ес мылдык каризы выль ю нянь басытон понна нюр'яськонез кужмоятны, нуналмысь пень но интысь мукет кыед люканы.

А. Утнин,
первичной комсомольской организацилэн секретарез.

КОЛХОЗ ЮНМА НО БУДЭ

Колхозы узыр улон понна котыкыче уж'эсты дыраз но выль зечлыко быдэсьяло. Байдалино сельсоветысь милам Куйбышевлэн нимыныз нимама колхозысь колхозник'эс тае умой валало, котыкуд ужын жанрес ужало.

Тйин соин ик колхозмы туды ю кизёнлы но кемаласы дасы ни. Ю кидыс, сельскохозийственной тйрлык но мукетыз план'я тырмыт, выль зечлыко дасытамь. Озы ик вал'эс тыролыкоесь. Соосты коных'эс мылысь-кыдысь сюдовордо, утылто.

Колхозмылэн мукет пудо вордон фермаосаз но уж умой рад'ямын. Соин ик пудоослэн йырлыды нуналысь нунало йылэ. Та учыре нуналмысь вордско пинал пудоос. Соос 12-тй февраль азелы 55 йыр вордскизы ни. Соос пöлысь 11 йыр кувяв'эс, 19 ыжпиос но 25 парсьпиос. Вавьзы соос тазалыкоесь будо.

Пудо йырлыдэз будэтыны нюр'яськонэн чюш молочно-то-

варной фермаын ужасысь кужко нюр'ясько трос йөл кыскыны быгатон понна. Соослэн нюр'яськемзы сия азын адске. Кылярысь, „Душа“ нимо скал кылем арын та вакытэ нуналаз 5 литра йөл сёт'яляз. Нош али 8,25 литрозь йөл сётэ ни. Тани кыктэтйез пример, „Манька“ нимо скал гужем шорын 4,75 литр гинэ йөл сёт'яляз, а туэ толалтэ ик 8 литр йөл сётэ ни.

Скал'эслэсь продуктивност'эсэ жутоны туэ колхозмы нимысьтыз бад'ым скулмаськон вис'яз. Скал'эсты толйытонлы умой-умой гид лэсьтйз. Собрере со уже умой ужасы колхозницаосты юматйз. Соос асьсэлэсь ужзэс ярато, пудо вордон ужын умой ужало. Тужгес ик синмаськоно кадь ужало пудо вордон фермаослэн заведующийэссы. Собрере колхозлэн председателез но та ужлы, кылем арын сырысь, уногес саклык вис'я.

В. Иванов,
заочник-селькор.

Выль етйн басытон понна нюр'яськелэ

Байдалино сельсоветысь „Ленинский путь“ колхозысь Евсеева Дарья Демьяновна самой умой ужасы колхозница луэ. Со кылем арын умой етйн будэтыны

быгатйз. Со понна колхозлэн правлений Дарья Демьяновналы премия сётйз.

Вуоно арын умой етйн басытыны быгатон понна со нош ик звеневодакее юматэмын. Али со каждой нунал люка интысь кыед. Тунэ нуналлы огняз ныль центнер пень люказ ни. Трос ужа Евсеева эш агроправилоез умой-умой тодон бордын.

Г. Трефилов,
Байдалино сельсоветысь „Ленинский путь“ колхозлэн бригадирез.

МИЛЕМЛЫ ГОЖТО

Заёмды ёз уты-а?

Тросе трудящейёс государственной заёмзе килзы возё. Нош заёмлэсь шудэм тиражэз тросе дыр'я эскертылыны уг быгато. Соин сарен заём утэмын ке но луэ, сое возиесь уг тоды, утэм коньдонэз уг басыть.

Государственной заёмлэсь утон'эссы нимысьтыз вис'ям бюройн эскертылоно. Сола понна каждой облигацилы нимысьтыз карточка гожтыса, сое письмоел заёмлэсь утон'эссы эскерись бюрое ыстоно.

Утон'эсты эскерись бюрое ыстэм карточкаос'я ортчем'ёсын заёмелдэсь утэмзэ почта пыр тодыны луэ.

Карточкаос вузасыко районьсь вань сберегательной кассасын. Дуныз созэн вить копейка гинэ.

Утон'эсты эскертйсь бюройн адресэз: Иж город, Максим Горькийлэн ульчаез, 80-тй номеро корка. Удмуртской АССР-лэн сберкассаезлэн управленийез. **Н. Попов,** Ярской сберкасасын ужасы.

Красной Армиысь гожтэ

СПОРТЭЗ ЯРАТ'ЯСЬКО

Мон Красной Армие мынэмлэсь азыло спортэн но физкультураен туж ожит ужалляй. Нош табере со самой яратоно дышетсконэ. Нуналлы быдэ куас вылын ветлйсько, соин аслэсьтым кужымме юматйсько.

Тани чюш ик аслэсьтым тодонме жуто бордын кужмо ужасыко. Али дышетскисько Маркелэн, Энгельслэн, Ленинлэн но Сталинлэн портэм-портэм произведениоссы бордын. Озы ик трос дыр вис'ясько боевой но политической подготовкэос'я дышетсконлы.

Красной Армиын быдэти полковой школаез но басыть младшой сержантлэсь званиэз.

Эш'эс, Дзякино колхозысь быдэс Ярской районьсь сгит'эс, асьтэлэсь кужымдэс тазатлэ, физкультура но спорт бордын скулмысь ужалэ.

С. ЕЛЬЦОВ, младшой сержант.



Пыдук өвёл, пе...



Висисько шуэ...



Магазинэ дыбыр мынэ...

Байдалино сельсоветысь „Ленинский путь“ колхозысь Данилов Павел Ивановичез ужаны мыныны койд ке, со тыныд шуоз: „пыдуке өвёл, висисько“. Нош магазинэ вуз ваё ке, секу пыдук но шеде, висемьсь но дугдэ, дыбыр мынэ. Сыче азытэмлэн тусбуез.

ГОСУДАРСТВОЛЫ ЙӨЛ ТЫРОН СЯРЫСЬ

Туэ арозь колхоз'эс государстволы йөл тырылызы фермаосын вордоно скал йырлыд'я. Йөл тыронлэн таёе порядокез'я трос йөл тырылызы азымынсь колхоз'эс. Нош куд-ог колхоз'эслэн скал вордон фермаоссы ой ке вал, соос йөл но ёз тырылэ.

Государстволы йөл тыронлэсь таёе порядокез ВКП(б)-лэн ЦК-ез но СССР-лэн СНК-ез умойтэмен лыд'язы но 10-тй январе 1941 аре кутэм постановленийенызы колхоз'эсын государстволы одно ик йөл тырон понна виль ужрад кутйзы. Йөл тыронэз каризы колхоз'эслы юматэм муз'ем'я.

1941 арын асьме районьсь котыкуд колхоз, гектарлы быдэ 8 литр йөл государстволы тыроз.

Государстволы йөл тыронлэн вуз порядокез юнгес но умойтэме вуттылыз

„Диктатура пролетариата“, но мукет таёе азымынсь колхоз'эсты. Та колхоз'эс фермаосазы скал трос вордылызы, озы бере государстволы йөл но трос тыроно луылызы. А „Красота“, „Коротковцы“, „Поч. Новиковский“, „Дружба“, „1-й май“ но мукет уно колхоз'эс понна со туж умой вал. Соослэн фермаоссы ой вал но, государстволы йөл тыронлэсь но палэнэ кылылызы.

„Диктатура пролетариата“ колхоз 1940 арын государстволы 34300 литр йөл тыриз вал. Туэ арын муз'емез'я тыроз на 22829 литр. Государстволы йөл тырон планэз тырмытэм бере „Диктатура пролетариата“ колхоз йөл-вöйзэ вузаса 1941 арын 67 сюрс манетлэсь трос доход басытыны быгатоз.

Нош кудйзлэн колхоз'эслэн скал вордон фермаос-

сы ой вал яке пичиесь вал, соослэн йөл тырон планы, муз'емзы, трослы ватсасыкыз. Кылярысь, Крупскаялэн нимыныз нимама колхозлэн йөл тыронэз 6030 литры ватсасыкыз, Калининлэн нимыныз нимама колхозлэн—7817 литры. „Красота“, „Коротковцы“, „Поч. Новиковский“, „Дружба“, „1-й май“ колхоз'эс фермаоссы өвёлэн государстволы йөл ёз ке тырылэ, 1941 арын, муз'емзы, гектарлы быдэ 8 литр одно ик тыроно луозы.

Государстволы йөл тыронлэн виль порядокез синмаськымон ужрад луэ. Табере каждой колхоз вискарытэк скулмаськоно луоз пудо вордон фермаосты паськытатон но соослэсь продуктивност'эсэс жутоны сырысь.

И. Кондратьев,
Уполнаркомзаг.

Неделимой фонд кыче юрттэт сётэ колхоз'эслы

Сельхозартельлэн уставезлэн косэмез'я колхоз'эс каждой арлы быдэ неделимой фондэз 15—20 процент бюджетано луо.

Уставлэсь та косэмзэ умой быдэсьяло Кагановичлэн нимыныз нимама, „Дингурята“, Укана сельсоветысь „Виль гурт“ но мукет колхоз'эс. Соос неделимой фондэс арлы быдэ тырмыт ватсало.

Нош вань сыче колхоз'эс, куд'эсыз фондэ коньдон уг вис'ялляло яке вис'яло уставен косэмлэсь ичи. Тани, Байдалино сельсоветысь „Молот“, Дзякино, Укана сельсоветысь „Заря“ колхоз'эслэн неделимой фондэ куинь ар чөже вис'ям коньдонзы 7—8 процент гинэ вуэ.

1940 арын 4-тй декабре потэм „Известия“ газетлэн передовой статьяз гожтэмын вал, что неделимой фондэз синэтэм общественной социалистической собственностиез тус тас карем луэ. Отысь кондонэз токма быдтэм понна колхоз'эслэн председател'эссы но

счетовод'эссы уголовной ответственность улэ кутйсько.

Неделимой фондлэн пайдэз колхоз понна туж бад'ым. Со коньдонэз котыку уже кутыны луэ. Соин басытыны луэ портэм-портэм инвентарь, пудо-живот но мукет кулэ маке. Со сяна, банкын возем понна государство араз куинь но жыны процент колхозлы ватсэт (процент) тыре. Кылем арын банкын возем понна районьсьтымы колхоз'эслы государство 1100 манет процент тыриз.

Неделимой фонд колхоз понна туж кулэ маке. Соин ик колхоз'эслэн кивалтйсьёссы коньдон доходзы пöлысь арлы быдэ неделимой фондэ одно ик 15—20 процентсэ вис'яллыны кулэ. Неделимой фондэ коньдонэз уже кутонешонер.

В. Лавлов,
сельхозбанклэн уполномоченноез.

Отв. ред. **А. Волнов.**